



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitularia Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

XVIII. Apud Bonoilum.

urn:nbn:de:hbz:466:1-22974

TITVLVS XVIII.

Apud Bonoilum.

HOC EST CONSILIVM QVOD EPISCOPI
& ceteri fideles Domni Karoli apud Bonoilum communiter illi dederunt anno
incarnationis Domini nostri Iesu Christi DCCCCLVI. in mense Augusto.

Increpatio quam in epistola Domini Apostolici vobis & cum aliis fidelibus vestris audivimus severissimè nos tangere, si nos aliter non egissimus quam ifdem Dominus Apostolicus nos egisse, secundum quod ipse audierat, cum magna auctoritate mandavit. Nam quia nos in isto facto, unde nos specialiter redarguit, consentientes non sumus, & vos ac fideles vestros, quos inde admonere convenient, & verbis & scriptis, sicut ipsi fecisti, & manentia scripta restantur, frequenter & salubriter communimus, ut quod contra salutem & auctoritatem factum erat emendaretur, & ne deinceps committeretur, omnimodis caveretur, damnabiliter ista increpatione non tangimur. Sed & nunc nostris monitis illius monita conjungentes, & illius monitis nostra monita subiungentes, hortamur ut statum monasteriorum in regno vestro consistentium, alter quam debet & deceat perversum ac confusum, quanto ciuius & melius ac possibilius atque rationabilius potueritis, restituere & corrigeremus. Et non solum hoc vos & commissarios vobis in regno vestro agere commonemus, verum etiam monemus, hortamur, & precamur ut capitula quae vos ipse cum fidelibus vestris in Colonia villa manu propria confirmasti, sed & ea quae in Beluaco civitate Episcopis tradentibus sub conditione notissima suscepisti, illa quoque quae cum fratribus vestris fecus Teudonis villam in loco qui dicitur Iudicium approbassis, illaque quae in Verno palatio synodaliter prolatâ suscepisti, ea etiam quae in Sparnaco de episcopalibus capitulis cum inlustribus viris & sapientibus baronibus vestris observanda delegasti, sed & illa quae cum fratribus vestris apud Marisnam manu propria confirmasti, verum & illa quae in synodo Suefflonica, cui vestram presentiam exhibere dignati fuisti, acceptasti, necnon & illa quae in Silvaco decrevisti, cum his quae in Leodico cum fratre vestro Hlothario adnuntiasti, diligenter & frequenter ad memoriam reducatis ac relegatis, & qua in regno vestro contra illa acta sunt contrariae divinam & salubrem auctoritatem, quam progenitores & praedecessores vestri directo ordine tenerunt & observaverunt, perpetrata sunt, quantocius ratio & possibilis permittit, corrigeremus. Et ne de cetero a quoque contra haec agantur, communiter omnes cooperante Domino caveamus. Et si quid contra haec actum fuerit, statim ut ciuius fieri potuerit, aequitate & ratione ac possibilitate dicente, absque dolo, cum recta intentione & lege ac auctoritate competente unicuique ordini corrigitur. Et ne leve cuiquam videatur quod Deo teste a mediane manu propria confirmatum & sponsione cum veritatis, quae Deus est, assertio ne prolatum est, discat ex confirmationis cautione in terris, & ex baptismatis ac certarum observationum confirmatione in celis, quantis nexibus quique teneatur obstrictus, omnisque quod divino spiritu dicitur communiter audiamus: *Nisi con- psal. 7. versi fueritis, gladium suum vibrabit, arcum suum tetendit, & paravit illud, & in eo paravit vas mortis.* De quibus nos omnes ad se & ad mandatorum suorum observationem conversos & in observatione corundem permanentes eripiat Iesus Christus Dominus noster, cui est honor, & gloria, potestas, & imperium per omnia seculorum Amen.

